

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis

Schöpflin, Johann Daniel

Carolsruhae, 1765

XXXIX.

[urn:nbn:de:bsz:31-295118](https://nbn-resolving.org/urn:nbn:de:bsz:31-295118)

XXXIX.

CHARTA TRADITIONIS ECCLESIE IN WOLUEN-
WILARE PER VIRUM NOBILEM, ERLEWINUM DE
WOLUENWILARE, MONASTERIO S. PETRI
IN NIGRA SILVA FACTÆ.

ANNO MCXXXIX.

Ex Tabulario S. Petri in Silva nigra.

In nomine Sanctæ & individuæ Trinitatis; Amen. Amen. Amen.
Notum sit omnibus tam præsentibus quam futuris. qualiter vir nobilis Erlewinus de *Woluenwilare* obtentu divinæ propitiationis. ac spe præmii cælestis rerum suarum Christo auspice apostolorum principem heredem elegit. legitima donatione instituit. ac præsentis kartæ karactere designari fecit. Qui vir ingenuus veniens ad locum qui *Holzenbrugga* vocatur. multis simul congregatis tradidit æclesiam de *Woluenwilare* cum omni sui juris libertate. & duas partes predii sui quod in ipsa uilla possederat super reliquias sancti Petri sine omni contradictione. cum mancipiis. uineis. agris. pratis. filuis. terris cultis. & incultis. aquis. exitibus. & redditibus. præsentem aduocato nostro *Comite Bertolfo* hoc in suam tuitionem quasi proprium suscipiente. ut ipse uice ipsius Erlewini in majori placito. in ipsa regione congregato traderet beato Petro. & seruiantibus apud cellam Christo Domino. Aduocatiam autem tam su-

pra ecclesiam quam & predium eidem Bertolfo comiti destinavit & constituit. ac potenter assignavit. In ipsa autem donatione exceptit unam vineam. & unam Scopozam.. Huic rei praesentes aderant in testimonium ipse *Bertoldus comes*. Teodericus de *Rotenleim*. Teodericus de *Nuenburc*. Uolchardus. Eberhardus. Fridericus de hasela. Erchenbolt de Uorcheim. Waltere de Kencingen. Wern de Kencingen. Wernhere de Ueltheim. Adalbert de Eichstat. Eberhart de Eichstat. Eberhart de Scalfatt. Drudewin de Waldegga. Berger de Gurtwilere. Rodoif de Mundingen. Rodolf de Gurwilere. Hiltbolt & Bernwart de Lessingen. Conrad de Burchheim. Heinricus de Waldegga. Nibelunc de Waltershouen. Amalger & Wernhere de Nuershufen. De hinc non longo tempore euoluto. praefatus comes Bertolfus fidei suae sponsonem soluens. sicut rogatus fuerat. coram *Marchione Herimanno*. juxta uillam quae dicitur *Ofmanningen*. multis coram positus. tradidit praedictam aeccliam cum predio beato Petro. cum omni jure quo id praefatus miles habuerat. Hi autem praesentes fuerunt. *Herimannus Marchio*. Wezel comes de Heigerloch. *Theodericus de Rotenleim*. Gesso de Ofenberk. Conradus de Suarcenberk. Geroldus de Scercingen. Adalbertus Eginno de Eistat. Volchardus de Nuenburc. Vdalricus Hartmannus de Krocingen. Eberhart de Scalfatt. Wern. Waltere de Kencingen. Wern de Rinowe. Sigeboto de Houenwilere. Meginwart de Rimesingen. & alii quam pluri. Hae autem donatio sicut & anterior libere. & absque omni prorsus contraditione facta fuisse dinoscitur. Prior vero dominus Adalbertus cum fratribus suis. ductu comitis. & ejusdem largitoris predium adierunt. & antiquo possessore eis cedente. & secedentes legitime possederunt. tenuerunt tribus diebus. nullo contradicente. nullo impediante. Sed & ipse

Erlewinus una cum uxore sua Willibirga predium in beneficium pro uno denario quotannis soluendo receperunt. quamdiu hoc tenere uoluissent. eo pacto. ut post obitum ipsorum æclesiæ liberum & inconvulsum cum omni jure suo. remota omni controversia permaneret.

Actum est hoc anno incarnationis dominicæ M. C. XXXVIII. Indictione secunda. regnante Conrado rege.

Preterea sciendum quod prædictus Erlewinus tertiam partem predii sui in prænominata uilla siti. præfatæ uxori suæ tradidit, eique Bertolfum comitem defensorem constituit. ut quicquid ipsa statuere inde uellet. liberam potestatem ac facultatem obtineret. idque firmum. & ratum foret. Ipsa autem Christo inspirante suam tertiam partem pro remedio animæ suæ. & omnium parentum suorum. per manum Bertolphi comitis de Nuenburc. præsentis filio suo Bertolfo. eidem cenobio libere. & absque ulla contradictione tradidit. Prior autem dominus Adalbertus cum fratribus suis sicut & antè predium adierunt. ipsaque eis cedente & secedente legitime possederunt. nulloque contradicente. tenuerunt. Idem & ipsa itidem cum anteriori predio pro annuo censu unius denarii in beneficium recepit. eo tenore ut post decessum ejus liberum. integrum. & indiminutum juri æclesiæ cederet. & muta omni calumnia. perpetim permaneret. Hujus rei testes sunt. Volchardus Eberhardus. Teodericus de Nuenburc. *Conradus de Suarcenberc.* & filius ejus Conradus. Eginus. Eberhardus. Adalbertus de Eistat. Eberhardus de Scalfat. Hartleibus de Norsteten. Berwardus de Lessingen. Wernherus de Nuershufen. Fridericus de Hafela. Volchloo. Henricus de Niggen.

† Ego *Herimannus Marchio* ad munimentum veritatis horum quæ vidi. & audivi ac certissime cognovi. præsentem kartam sigilli mei impressione roborari ac confirmari feci.



X L.

CONRADUS III. IMP. ECCLESIE LAUSANENSIS
JURA ET POSSESSIONES CONFIRMAT.

ANNO MCXLV.

Ex Ruchati Hist. Pagi Vaud. Ms.

In nomine Sancte & individue Trinitatis. Conradus divina favente clementia Romanorum Rex secundus. Iustitie definitio est constantem & perpetuam habere voluntatem unicuique tribuendi quod sibi de Jure competit: Quam virtutem cum omne hominum genus partim a natura partim institutis legalibus edoctum, colere semper & exercere debeat precipue tamen regie dignitati congruit talem animi habitum immutabiliter induere; eis autem personis nostra dignitas in omni pietatis & equitatis defensione propensioem debet adhibere benevolentiam, que divinis sincerius mancipate sunt obsequijs, & nobis in administratione regni sollicitè agentibus & orationis munde beneficio & veracis consilii subsidio & indefessi laboris studio assistunt. Ea propter omnium tam futurorum, tam presentium noverit industria, qualiter nos ob regni nostri